

Proklamasie

Biej de grasië vanne Raod van Ellèf, de Vastelaovesvereniging, Prins Hans de II en alle Halve Gare en Halve Garinnekes, bin ich, vandaag op 18 januari van 't jaor 2025 oetgerope toet Seniorenprins Huub de ieërste van de Halve Gare in 't 6 x 11 jubileumjaor.

Seniorenprins Huub de ieërste

As halve Gare gebaore in Böggeme, getrouwdj mèt May oet 't landj van de Serdelhunj, gruuëtse pap van Prins Hans II, gruuëtse sjoeënpap van Marloes, gruuëtse opa van Fleur, Stijn en Suus, aod Prins oet 2001, bobper, pensionado, motorrieër en hobbie geiteboer laes ich uch noe mien proklamasie väör.

Ten ieërste:

Det ich, as ras echte Halve Gare miene kammeraod Sjaak Lumens beneum toet miene adjudant en det ich mèt hem..., Prins Hans II, de raod van Elf, Jeugdprinsepaar Jens I en Maud, Wienqueen Vroni I, Bacchus Dion I, alle adjudanten en alle Halve Gare en Halve Garinnekes in dit Jubileumjaor d'r eine sjoeëne en onvergaetelikke vastelaovendj van gaon make.

Ten tweeëdje:

Det ich verwacht det verder eederein, aod en jónk hiej aan mèt duit en neemus aanne kantj blijftj sjtaon.

Ten derdje:

Det wae as seniore Halve Gare en Halve Garinnekes aan eder buffet vöörang kriege om 'n glaeske drinke te besjtelle.

Ten veerdje:

Dèt wae as seniore allemaol mèt-ein vööl plezeer moge belaeve tiejes deze vastelaovendj.

Ten vieëfdje:

Det ich as hobbieboer d'r vöör zal zorge det mien geite mèt dees daag niks tekort kome.

Ten zèsdje:

Det wae zoevööl as mäögelik, de recepties gaon bezeuke.

Ten zevendje:

Det wae as buurt Holsjtraot dit jaor neet mèt zulle trèkke inne optocht.

Ten achtste:

Det ich as pensionado gelökkig neet op 'n oor hoof te kieke en lekker lang mèt kin doon.

Ten negendje:

Det wae same mèt de Jeugdraod en de Groeëte raod ein lien zulle trèkke.

Ten tieëndje:

Det wae ós vöörneme 't fieëste toet aswoonsdig vol te gaon hooje.

Ten elfdje:

Det ich äöver 't Halve Gare-seniorerieëk zal regere mèt miene liefsjpreuk:

Wae laote ós gaon, toet 't is gedaon

Wae laote ós gaon, toet 't is gedaon

Wae laote ós gaon, toet 't is gedaon

